

Икки хил тоифадаги йигит



18:00 / 07.01.2023 3126

Эй ёшлар жамоаси, шуни билингки, Аллоҳ таоло Ўзининг фазлини ато қилишда ҳеч кимни унутмайди.

«Тавба қилувчи ёш йигитдан кўра, Аллоҳ таолога маҳбуброқ нарса йўқ».

Кунларнинг бирида Набий соллаллоҳу алайҳи васаллам Муоз ибн Жабал розияллоҳу анҳуга хитоб қилиб: «Аллоҳга қасамки, эй Муоз, албатта, мен сени яхши кўраман». Ундан бошқа илоҳ бўлмаган Аллоҳга қасамки, агар бир йигит Аллоҳ таоло уни яхши кўришини ҳис қила олса, у ҳам осмонлару ернинг яратувчиси бўлган Аллоҳ таолони яхши кўриб қолади. Аллоҳга қасамки, банда учун бундан ортиқ мақом борми?

Аллоҳ таоло фаришталарга айтади: «Бандамни кўринглар, Мени деб шаҳватини тарк этди».

Айни гуллаган, шаҳвати қайнаб турган пайтида кўзини ҳаромдан тийиб, Аллоҳнинг байтига қатнаб, барча гуноҳ маъсиятлардан узоқ юриб, ҳаром

нарсалардан ўзини тийиб, Аллоҳ таолодан қўрқиб юрган ёш йигит уйланиш масаласида ҳаддан ошган, аёллар билан айшу ишрат қилиб юрадиган, бир аёлга уйланса, кўп яшамай тезда ажрашиб кетадиган йигитлардек йўл тутмайди. Буни ақл ҳам кўтармайди.

Баъзи ҳадисларда: «Аллоҳ таоло хотини билан узоқ яшамайдиган, тез уйланиб, тез ажрашадиган эркакларни ва эри билан кўп яшамайдиган, тез эрга тегиб, тез ажрашадиган аёлларни лаънатласин» деган ривоят келади. Шунингдек, Аллоҳ таоло хотини билан узоқ яшамайдиган, тез уйланиб, тез ажрашадиган эркакларни ва эри билан кўп яшамайдиган, тез эрга тегиб, тез ажрашадиган аёлларни яхши кўрмаслиги ҳадисларда ворид бўлган. Баъзилар бу ҳадисларни заиф дейишган. Аллоҳдан қўрқадиган йигит эса покдомон бўлиб, унинг иффати, ҳаромдан кўзинин тийиши у учун шараф белгиси ҳисобланади.

Аллоҳ таоло тавба қилувчи, кўзини ҳаромдан сақловчи, пок йигит билан ҳаромга боқувчи, ёмон жойларда юрувчи, тонггача ухламай интернетда беҳуда нарсаларни томоша қилиб ўтирадиган ёки беҳаё фильмлар кўрадиган йигитга бир хил муомала қилиши ақлга тўғри келадими? Ушбу саволга ечим сифатида мана бу оятларни келтирамиз:

ءَاَوْسَتِ اِحْلَالَ اَصْلِ اَوْلَمَعَو اُوْنَمَآ نِي دَلَاكُمُ لَعَجُّن نَأْتِ اَيُّسِي سِلَا اُوْحَرَ تَحْجَا نِي دَلَا بَسَحَ مَآ
نَ وُؤْمُ كُحَيِّ اَمَءَا سَ مُهُتَا مَ وُ مُهَيِّ حَم

«Наҳотки, ёмонликларни қилганлар уларни иймон келтириб, солиҳ амаллар қилганларга ўхшаш қилмоғимизни, ҳаётлари ҳам, мамотлари ҳам баробар бўлишини ўйласалар?! Қилаётган ҳукмлари нақадар ёмон!» (Жосия сураси, 21-оят).

نَ وُؤْتِ سَيِّ اَلْ اَقْسَ اَفَ نَاك نَمَكَا نَمُؤْمَ نَاك نَمَفَا

«Ахир мўмин бўлган одам фосиқ бўлган одам каби бўлурми?! Тенг бўлмаслар» (Сажда сураси, 18-оят).

نَ يَمُؤْمُ كُحَلَاك نَ يَمُؤْمُ كُحَلَاك نَ يَمُؤْمُ كُحَلَاك نَ يَمُؤْمُ كُحَلَاك

«Мусулмонларни жиноятчиларга ўхшатиб қўярмидик?!» (Қалам сураси, 35-оят).

نَ وُؤْمُ كُحَتَا فَيَاكُ مَكَلَا مَ

«Сизга нима бўлди?! Қандай ҳукм қилмоқдасиз?» (Қалам сураси, 36-оят).

رُؤْفَاكُ لَلَا اِلَ اِي زَا جُنُ لَوَا اُوْرَفَاكَا مَبَا مُهَانَا يَزَا جَا كَلَا دَا

«Уларни ношукрлик қилганлари учун, ана шундай жазоладик. Биз фақат ўта ношукрларгагина жазо берурмиз». (Сабаъ сураси, 17-оят).

هُرَيٰ اَرْيٰخٍ ۙ رَّذٰلِ اَقۡشَمِ ۙ لَمۡ يَغۡيۡ نَمَۡوُ

«Бас, ким зарра вазнича яхшилик қилса ҳам кўрадир» (Залзала сураси, 7-оят).

هُرَيٰ اَرْشِدٍ ۙ رَّذٰلِ اَقۡشَمِ ۙ لَمۡ يَغۡيۡ نَمَۡوُ

«Ва ким зарра вазнича ёмонлик қилса ҳам кўрадир» (Залзала сураси, 8-оят).

Аллоҳ таоло ёшларимизни ибодатда, ҳаромдан кўзни тийишда, фаҳшдан сақланишда, қалблари масжидга боғлиқ бўлишда ва иффатни сақлашларида барчамизга ибратли бандаларидан қилсин!

Муҳаммад Ротиб Набулсийнинг видеосуҳбатларидан

Нозимжон Ҳошимжон таржимаси.

Маҳмуд Баҳром оққа кўчирди.